

- 7 -

KANAOUEN AN DURZUNEL

Kalz amzer a meuz kollet
 O furchal er c'hoajou,
 « Vit tapout eun durzunel
 Kousket var ar brankou
 Devet e meuz ma amors,
 Ha tennet a meuz fall,
 Achapet an durzunel
 Ha nijet er c'hoat all. (bis)

Diouz an noz hag ar mintin,
 Me glev al lapouset,
 O kana, eo fredonin,
 Da vek ar gwez pignet,
 Na meuz niken anezo
 Hag a bik ma c'halon,
 Evel mouez eun durzunel
 O welan d'he mignon.

Hirvoud' a ra noz ha de
 Gant ar boan ha glac'har,
 Evel eun intanvez paour
 Kollet ganti e far,
 Ma neuz nikun anezo
 Hag a bik ma c'halon,
 Evel mouez eun durzunel
 O welan d'he mignon.

Petra durzunel yaouank,
 A dourmant da c'halon ?
 « Kollet a meus, emezi,
 Ma fidellan mignon.
 Ma na zeu eur chasseour
 Da ober d'in mervel !
 Me varvo gant ar glac'har
 Da va mignon fidel.

« Neus na zouten, na reméd
 Na konsolation,
 Kapabl da zont da galmi
 Tourmanchou ma c'halon
 Trec'het oun gant ar glac'har,
 Mont a ran da vervel
 Mes na varvin ket kontant,
 Ma na varvin fidel.

— 8 —

Gwelet a meuz o vervel
 An durzunel yaouank
 Dizec'het oa ma c'halon
 Gant ar boan ann tourmant
 Enn he c'huanad diveza
 Enn deus c'hoaz repetet
 « Ha ma mignon fidel
 Raktal eo tremenet.

Melezour skler ha brillant
 Deus ar fidelite
 Ar model ar sinseran
 Deus ar garante,
 Nan, na varvin ket kontant
 Ma na varvan fidel,
 Birviken na sizonjin
 Maro an durzunel.

